



PREZIDÉNSIA  
KONSELLU  
MINISTRUS  
VIII GOVERNUN KONSTITUSIONÁL



Gabinete  
Porta-Voz

KOMUNIKADU IMPRENSA

**Sorumutuk Konsellu Ministrus nian iha loron 9 fulan outubru tinan 2019**

Konsellu Ministrus hala'o sorumutuk iha Palásiu Governu, iha Dili, no halo análize ba proposta Dekretu-Lei kona-ba alterasaun da-6 ba Dekretu-Lei n.º 10/2005, loron 21 fulan-novembru kona-ba Rejime Jurídiku Aprovizionamentu nian, ne'ebé apresenta husi Primeiru-Ministru Taur Matan Ruak. Alterasaun ne'e ninia objetivo mak atu permite katak la'ós obrigatóriu ona atu publika anúnsiu ba konkursu públiku internasionál nian sira iha jornal impresu sira ne'ebé sirkula iha rai-li'ur, no publikasaun ba anúnsiu sira-ne'e, ba oin, halo liuhosi plataforma eletrónica ne'ebé uza tiha iha nivel internasionál ba efeitu ida ne'e, nune'e mós liuhusi jornal ida rai-laran nian. Proposta ne'e sei analiza filafali iha Sorumutuk Konsellu Ministrus tuirmai.

Konsellu Ministrus analiza mós proposta Dekretu-Lei, ne'ebé apresenta husi Ministro Justisa, Manuel Cárceres da Costa, ne'ebé estabelese rejime foun kona-ba ingresu no formasaun iha karreira Majistradu Judisiál sira, Ministériu Públiku no Defensór Públiku sira, no atu regula natureza, estrutura no fúnionamentu husi Sentru Formasaun Jurídika no Judisiária. Proposta ne'e sei analiza filafali iha Sorumutuk Konsellu Ministrus tuirmai.

Ministru Transportes no Komunikasoin, José Agostinho da Silva, hamutuk ho Komisaun Nasionál Aprovizionamentu, apresenta proposta Deliberasaun rua ba Konsellu Ministrus, kona-ba prosesu aprovizionamentu atu atualiza banda larga satélite nian husi 200 MB/s ba 1 GB/s no emenda ba kontratu hodi atualiza fali banda larga satélite nian husi 100 ba 200



Palácio do Governo,  
Avenida Presidente Nicolau Lobato,  
Dili, Timor-Leste



PREZIDÊNCIA  
KONSELLU  
MINISTRUS  
VIII GOVERNUN KONSTITUSIONÁL



Gabinete  
Porta-Voz

Mbps. Proposta ne'e sei analiza filafali iha Sorumutuk Konsellu Ministrus oin-mai.

Ministru Negósius Estranjeirus no Kooperasaun, Dionísio da Costa Babo Soares, halo apresentasaun ida ba Konsellu Ministrus kona-ba possibilidade ba kandidatura sira Timor-Leste nian, ba pozisaun nu'udar Viseprezidente ba Assembleia Jerál Nasoins Unidas nian ba da-76, ba pozisaun sira iha Konsellu Ekonómiku no Sosiál Nasoins Unidas nian, iha Konsellu ba Direitus Umanus no iha Konsellu Ezekutivu hosi ONU Feto (UN Women), no mós ba Komisaun ba Populasaun no Dezenvolvimentu no ikusliu, kandidatura ba membru naun permanente hosi Konsellu Seguransa Nasoins Unidas nian. **Fin**



Palácio do Governo,  
Avenida Presidente Nicolau Lobato,  
Dili, Timor-Leste